

**S**tlewedel ligt von Garleben 5.  
meilen / vnd ist eine feine Stadt /  
brawet auch ein Rot Gerstenbier  
darin / das köstlich / angeneh / vnd  
lieblich ist / zu trincken vnstrefflich / so viel  
die substanz / Temperament / narung vnd  
alle stück / eins gute Bier belanget / wird  
auch weit geführt / vnd das ganze umbli-  
gende Land zu Lüneburg / fast damit ge-  
trencket / Denn da umbher nirgents / ist  
kein besser besser Bier / es wehr dan Ham-  
burger Bier / das man des orts auch schen-  
cket.

### Brandenburger Bier.

**D**ie Stadt Brandenburg / da-  
her die ganze Marck zu Brans-  
denburg / den Namen / hat zwey  
Gerichte vnd Ratsheuser / Sein  
auch zwo Stedte / welche die durchlauffen-  
de Havel vnterscheidet vnd theilet / vñ heiß-  
sen die Alte vnd Newe Stad / Eine lange  
Brücke gehet zwischen beiden Stedten /  
vber die Havel / welche des orts breit ist /  
Mitten auff der Brücke / steht ein Haus  
gebawet / darin niemandt wohnet / Das  
nennen etliche / den Vocatium für Bran-  
denburg / Daher das Sprichwort komen  
ist / Wie stehestu hie allein / wie der Voca-  
tius für Brandenburg / Diß Haus ist  
ein Gerichtshaus / darein Richter vnd  
Schöpffen